

續
黃
白
鏡

李文燭 著

中
華
書
局

續黃白鏡

此據寶顏堂祕笈
本排印初編各叢
書僅有此本

續黃白鏡

明 京口夢覺道人李文燭晦卿甫著

醒醒歌

石函記漁莊錄兩公留下金丹目。胡爲今古鍊丹家。個個無成空碌碌。玄律嚴。天威肅。金丹原是神仙祿。肯教容易與凡夫。妄干徒受天之戮。求此事。須積德。務要把心先放直。陰德積多天自予。天子不教人費力。與君說。休疑惑。莫向凡銀討花色。硃砂縱死亦何用。枉把黑鉛鍊枯極。休輕信。方上客。山中尋草資八石。更將水銀投黑鉛。草煨硃砂真可惜。要汞乾。須火息。先要將紅飛入黑。紅爲火神黑水氣。神氣相交自相得。神居南。氣居北。南北之中討消息。結成龍虎兩胞胎。借爾胞胎將永翼。龍虎胎。真命脈。誰人認得誰會摘。有人問我胞胎形。射日紅塵滾窗隙。浣此塵。出水國。全憑烈火將他逼。逼他出水號天旤。天旤乾汞神仙則。神旤疑天旤熟。不怕水銀心不伏。水銀見旤登時乾。從此河車任反覆。火是神。汞是谷。汞火一家親骨肉。火若不疑汞不乾。汞乾方可名基築。水銀乾。色潔白。還要將他來鍊赤。汞銀鍊赤造黃輿。直上蓬萊無阻隔。

死硃砂。枯骨革。凡夫寶之如拱璧。大家稱此作天甌。惹得神仙暗點額。暗點額。笑人差。天甌原是砂精華。因到鉛關行一轉。玉陽呼此作黃芽。砂之精。鉛之華。結就天甌在坎家。不向此中求秘訣。鐵鞋踏破遍天涯。遍天涯。沒處尋。坎中一點天地心。此心原是神火化。惟此能除汞裏陰。汞裏陰。名爲癸。癸若乾時汞自死。若要癸乾也無難。坎中一點潛龍骸。潛龍骸。卽天甌。不比尋常查質流。砂鉛未有先有此。莫把砂皮石壳求。死硃砂。石骷髏。骷髏裏面神氣休。可憐神氣不留住。反把骷髏當寶收。笑世人。忒煞癡。只在丹房弄鼎池。硃砂黑鉛真鼎器。陰陽交合卽成兒。造天甌。生身同。鉛受砂施片晌工。雜類一毫原不用。自然一點籙當中。說交媾。自有期。莫教太蚤並太遲。若不得時空合體。一陽纔起正當時。天甌花。有兩朵。一罇實爲兩樣火。譬如懷胎有女男。莫怪吾言太瑣瑣。太瑣瑣。忒明明。天甌不是無因生。只爲有形相合體。一副黃芽兩地萌。砂中汞。最陰柔。活則沉分死則浮。萬法千方皆不死。一見天甌癸便抽。汞見甌。陰氣滅。清如霜色綠如雪。不來而舍求乳母。依舊前途還未徹。

汞實死。卽金丹。須知栽接有何難。起根轉制清真極。久久人餐生羽翰。

水心篇

憶昔逢師在酒樓。一時魚水便相投。他言下手無根蒂。且藉凡鉛起滄頭。卷卷丹書說死砂。硃砂縱死亦還差。能將硃裏砂來死。方是丹房老作家。硃裏求砂始是砂。此砂凝結卽黃芽。人人都把硃砂死。誰肯回思自己差。硃裏水銀名已土。砂爲神火土之娘。古今多少老爐火。不識娘兒空自忙。要死兒時先死娘。不將娘死子難亡。娘逢壬水方纔死。誰解鉛中是法王。養砂之法最辛勤。鼎要溫溫火要文。此處莫教差錯了。自然水火氣氤氲。砂到鉛中造化生。丁壬相合結精英。開爐慢自分龍虎。入鼎先須定甲庚。庚爲白虎甲爲龍。虎在西方龍在東。兩獸捉來歸已汞。一輪明月正當中。甲龍庚虎兩胞胎。借爾胞胎把汞培。但得虎龍同入汞。何愁癸水不分開。癸水分明汞裏生。一逢戊土便相迎。如今睡醒纔方覺。戊土原來卽甲庚。須知乾汞也無難。戊癸相逢汞自乾。戊癸化成瑩惑去。汞銀一味卽金丹。汞若乾時卽白金。白金猶自怕含陰。鍊成紫赤真金體。留在丹房捕赤禽。

水銀乾徹卽枯鉛。世上枯鉛豈足言。汞沾半點枯鉛氣。便覺癡呆軟似綿。
癸鉛枯鉛露先天。枯盡鉛時汞體堅。記得癸鉛初見戊。嗷嗷泣泣似鳴蟬。
庚金胎處癸長生。戊土來時癸自驚。癸盡自然金現象。何勞人去費神情。
書傳乳哺在西隣。天下丹房說是銀。坤母與西纔肘臂。凡銀却與汞何親。
乳娘沒乳且休言。枉把眞鉛裏面煎。此處不知栽接法。依然前路又茫然。
拙拙時嘗到我前。從來口吃不多言。今朝問我真鉛理。汞不乾時不是鉛。
又問天阨事若何。人間查質總成訛。天阨不是尋常物。生長西南造化窩。
先種天阨在黑鉛。從來此處不輕傳。誰知先把天阨種。會種天阨便是仙。
天阨正是方生物。元始初成造化根。新月一鈎相髣髴。俗人半句莫評論。
硃砂因與黑鉛交。一點神光射入胞。從此天阨纔有象。昔人稱此作初交。
硃砂交後體無妨。只用中間一線光。譬如男女相交後。肢體何曾略損傷。
千方萬法把砂爲。神氣精亡剩死尸。多少道人皆着假。欲將枯骨養孩兒。
一爐火隱一爐丹。火隱何愁汞不乾。成始成終惟火汞。一毫凡雜沒相干。
天阨初用黑鉛栽。終是人間濁胚胎。若把汞金爲鼎器。自然生長是靈材。

天既出產汞金中。力量原來自不同。八石人教隨意養。也無一樣不成功。
笑殺人間非底蛙。盤山度嶺覓仙花。將來搗汁同砂煮。汞走瓠飛路愈除。
總識天既。是汞鉛。不知超脫也徒然。大都超脫皆憑火。只在天既聚散邊。
結得瓠胎在坎中。一時辭母入東宮。神仙說道無他法。些子玄微在火功。
汞新天既。癸氣收。天既與癸共綱繆。全憑火力攻他出。野馬氤氲片片浮。
丁壬妙合胎須脫。戊癸天然火要超。火散汞乾超出世。脫然無累自逍遙。
神凝點汞汞成銀。汞點成銀復養神。神養聖靈仍點汞。一番超過一番新。
火是神兮汞是精。精爲乙木火爲丁。若非已汞親枝葉。誰敢無知汞裏行。
靈臺不敢說清澄。心上猶貪最上乘。鉛鼎有壬今既識。硃池丁火豈難凝。
硃硫自識爲神火。已汞誰知是冷砂。已汞始乾稱白雪。硃硫初結卽黃芽。
鍊丹起手要清真。根不清真枉費神。多少盲燒瞎煉土。嘵嘵只是講凡銀。
東海火庵藏聖汞。西山泉眼匿真鉛。須向鼎中細分割。免使爐邊又禍僭。
丁寧鍊土要防危。最怕人妖暗裏窺。丹室四維縣寶鏡。洪爐常頂覆儲帷。
只恐凡夫意不誠。人心一正卽誠明。任教無限妖魔鬼。盡化丹房護法兵。

丹房伴侶要同心。伴侶同心可斷金。若是同心人做事。阿誰魔鬼敢相親。壇場不可近墳塋。古廟神堂鷄犬聲。龍抱虎超坐生氣。之玄兩字水和迎。丹房門戶莫當中。坎宅開門在巽風。離震地天山換澤。能依此法自亨通。竈支鼎立張廉處。鬼盜神偷不可當。伴侶弗知時炒鬧。火災官事禍非常。胡宗明是最凶徒。此處安爐禍不無。寄語丹房掌爐者。莫將微細反心粗。王文王用兩星辰。仔細評來總不仁。不若貪狼並武巨。三星之上可相親。又把三星校短長。雷風水火用貪狼。乾坤山澤偏宜武。使用天醫也不妨。識得臨爐祕密機。不愁鷄犬不隨飛。如今且到龍光寺。看過龍沙即便歸。禮罷真君就轉樣。閒雲留我應龍沙。不知南國烟霞士。自有龍沙種在家。自在滕王閣下歸。如今還只掩柴扉。三餐了罷無些事。鎖日窗前寫化機。

昔余遭劉青田累。幾成孔北海禍。賓客皆散去。惟姑蘇拙老獨不去。已而事白。執侍如故。由是余多老。遂欲以修鍊胎仙之法告之。第憚其性根欠利。卒不能悟。故續此鏡。先以嘗其聰明。俟其觸類旁通。能悟本心。然後有以教之。不然。徒泄天寶。何益也。六祖大師云。不識本心。學法無益。老其勉之哉。老其勉之哉。萬曆辛丑午月京口夢覺道人李文燭晦卿甫識。